



Broj: 01-101/14
Vareš, 31.03. 2014. godine

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06) i člana 22. Statuta Općine Vareš – Prečišćeni tekst, broj: 01-162/12 od 11.09.2012. godine, Općinsko vijeće Vareš na 17. sjednici održanoj 31.03. 2014. godine, d o n o s i

O D L U K U

o utvrđivanju visine naknade članovima organa upravljanja javnih preduzeća čiji je osnivač Općina Vareš

Član 1.

Ovom Odlukom utvrđuje se visina naknade za rad i angažman članova organa upravljanja javnih preduzeća čiji je osnivač Općina Vareš i to za:

1. Javno komunalno preduzeće d.o.o. Vareš,
2. Javno preduzeće „Vareš stan“ d.o.o. Vareš i
3. Javno preduzeće „Veterinarska stanica“ d.o.o. Vareš.

Član 2.

Visina naknade utvrđuje se za sljedeće organe javnih preduzeća:

1. Skupština i
2. Nadzorni odbor

Član 3.

Visina naknade za predsjednika nadzornog odbora iz člana 2. ove Odluke utvrđuje se u najvišem iznosu do 150,00 (stotinupedeset) KM, a za članove nadzornog odbora do 130,00(stotintrideset) KM, po održanoj sjednici.

Visina naknade za predsjednika skupštine javnog preduzeća utvrđuje se u najvišem iznosu do 120,00 (stotindvadeset) KM, a za članove skupštine do 100,00(stotinu) KM, po održanoj sjednici.

Sjednice nadzornih odbora održavaju se najmanje jedanput i najviše dvaput u svakom tromjesečju.

Član 4.

Skupštine javnih preduzeća će svojim odlukama utvrđivati visinu naknade koja ne može biti veća od najvišeg iznosa utvrđenog u članu 3. ove Odluke, uzimajući u obzir rezultate poslovanja, finansijske i druge pokazatelje javnih preduzeća.

Član 5.

Naknada za članove organa upravljanja će se isplaćivati iz sredstava javnih preduzeća.

Član 6.

Javna preduzeća dužna su primjenjivati ovu Odluku od dana njenog stupanja na snagu, a svoje akte uskladiti sa njenim odredbama u roku od 12 (dvanaest) mjeseci.

Član 7.

Za realizaciju ove Odluke zadužuju se Skupštine i direktori javnih preduzeća.

Član 8.

Ova Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI
OPĆINSKOG VIJEĆA**

Zdravko Marošević

Odluka je objavljena na oglasnoj tabli Općine Vareš 01.04. 2014. godine.

OPĆINSKI NAČELNIK

Kovačević Avdija, dipl. pravnik

O B R A Z L O Ž E N J E

PRAVNI OSNOV

Sadržan je u članu 8. i 13. Zakona o principima lokalne samouprave, kojim je određena nadležnost jedinica lokalne samouprave za rješavanje pitanja od lokalnog značaja, kao i nadležnosti Vijeća a članom 22. Statuta Općine Vareš, utvrđena je nadležnost Općinskog vijeća u donošenju Odluka i drugih propisa.

RAZLOZI ZA DONOŠENJE

Postupajući po Odluci Općinskog vijeća Vareš, broj: 01-105/00 od 31.10. 2000. godine a koja reguliše da Općinsko vijeće vrši prava i obaveze osnivača prema preduzećima, ustanovama i drugim pravnim licima čiji je osnivač Općina Vareš, a cijeneći to, da pitanje naknada za članove organa upravljanja u Javnim preduzećima, čiji je osnivač Općina, već duže vremena nije riješeno, što za rezultat ima nerad ili poteškoće u popunjavanju ovih organa, ukazuje se potreba da se ovo pitanje na jedinstven i ujednačen način riješi odlukom Osnivača.

Rad i funkcionisanje Zakonom utvrđenih organa u Javnim preduzećima zavisi i od stimulativnih mjera odnosno utvrđivanja naknada za rad i angažman zavisno od materijalnih mogućnosti pravnog subjekta.

U tom pravcu predviđene su selektivne naknade, te predlažem Vijeću da Odluku u predloženom tekstu usvoji.

FINANSIJSKA SREDSTVA

Za realizaciju ove Odluke potrebna su finansijska sredstva, koje će Javna preduzeća utvrditi u svom godišnjem planu rada.

OPĆINSKI NAČELNIK

Kovačević Avdija, dipl. pravnik